

太平縣志

太平縣志卷十一

人物志

聖賢

名哲

宦績

儒行

孝友

文苑

義行

隱逸

耆碩

流寓

附

方技

附

仙釋

附

自來賢人傑士碩彥名流與夫奇技異能之著或聞世而一出或同時而俱生論者謂川岳之菁英鍾毓使然似矣不知人材之興因乎地尤因乎時太平自虞周以來彪炳史冊代有其人至宋元後畧闕焉豈人不古若歟抑記載未備歟我

國家重熙累洽沐浴薰陶之澤幾二百年矣士之生於其間者類多
涵養德性敦重彝常卓然稱不朽次第書之安見今必異於古
所云耶作人物志

聖賢

虞

伯

益

虞書帝曰疇若予上下草木鳥獸僉曰益哉帝曰俞咨益汝作朕虞益拜稽首讓於朱虎熊羆帝曰俞往哉汝諧今汾水之東北虞村有墓實嬴秦趙宋之祖

隋

王

通

字仲淹所居鄉曰萬春鄉在龍門溝土龕中篤學六年慨然有濟世之志仁壽三年詣闕獻太平十二策文帝不能用歸教授於河汾之間弟子自遠至者甚衆倣古續經作中說累徵不仕大業末卒於家門人私謚曰文中子明嘉靖九年從祀孔廟有文中子世家其弟子杜淹所撰也

名哲

周

祖朝

晉獻公時東郭民也上書獻公曰草茅臣東郭民祖朝願請聞國家之計獻公使使出告之曰肉食者已慮之矣藿食者尚何與焉祖朝對曰大王獨不聞古之將曰桓司馬者朝朝其君舉而晏御呼車驂亦呼車御肘其驂曰子何越云為乎何為籍呼車驂謂其御曰當呼者呼乃吾事也子當御正子之轡銜耳子今不正轡銜使馬卒然驚妄轢道中行人必逢大敵下車免劍涉血履肝者固吾事也子寧能辟子之轡下佐我乎其禍亦及吾身與有深憂吾安得無呼車哉今大王曰肉食者已慮之矣藿食者尚何與焉設使肉食者一旦失計於廟堂之上若臣等之藿食者寧得無肝膽塗地於中原之野與其禍已及臣之身臣與有其深憂臣安得無與國家之計乎獻公召而見之三日與語無復憂者乃立以為師也祀鄉賢

荀息

晉公族隰叔之後食邑於荀獻公時為大夫立奚齊使傅之曰以是藐諸孤辱在大夫其若之何荀息對曰臣竭

其股肱之力加之以忠貞其濟君之靈也不濟則以死繼之公卒里克將弑奚齊先告息曰吾與先君言矣不可以貳及里克弑奚齊將死之人曰不如立卓子而輔之息立公子卓又弑息死之春秋曰及其大夫荀息傳曰書及所以著其節書大夫不失

趙衰

其官也若息者可謂忠矣祀鄉賢
字子餘其先造父封於趙至叔帶始入晉祖趙夙父共孟獻公娶於驪姬殺太子申生而伐重耳衰從重耳出亡一十九年同其患難借兵歸國多出其謀為原大夫輔文公霸諸侯尊周室公謀元帥衰曰卻縠可說禮樂而敦詩書詩書義之府也禮樂德之則也德義利之本也公使卻縠將中軍以衰為卿衰屢辭使將上軍又辭公曰趙衰三讓不失義讓推賢也義廣德也德廣賢至又何患矣後終為卿帥新軍卒諡成祀鄉賢子盾事靈公為正鄉公侈宣子驟諫公患之使鉏麇賊之晨往寢門闢矣盛服將朝坐而假寐麇退而嘆曰不忘恭敬民之主也賊民之主不忠棄君之命不信有一於此不如死也觸槐而死公終欲殺盾盾出奔趙穿弑公於桃

園盾復迎成公立而輔之卒諡宣初靈公元年狄人侵魯魯使告於晉盾使賈季問狄相鄆舒且讓之鄆舒問於賈季曰趙衰趙盾孰賢對曰趙衰冬日之日也趙盾夏日之日也

李

離

晉文公之理也過聽殺人自拘當死文公曰官有貴賤罰有輕重下吏有過非子之罪也離曰臣居官為長不與吏讓位受祿為多不與下分利今過聽殺人傳其罪下吏非所聞也辭不受令文公曰子則自以為有罪寡人亦有罪耶離曰理有法失刑則刑失死則死公以臣能聽微決疑故使為理今過聽殺人罪當死遂受令伏劍而死

董

狐

為晉史官靈公欲殺趙盾盾出奔而趙穿弑公盾未出境而復狐壽之曰趙盾弑其君盾曰不然對曰子為正卿亡不越境反不討賊非子而誰孔子聞之曰董狐古之良史也書法不隱祀鄉賢

公孫杵臼

景公時為趙朔客屠岸賈殺朔杵臼謂程嬰曰胡不死嬰曰朔婦有遺腹若男吾奉之故不死也及生男

賈聞而索之杵曰謂嬰曰立孤與死節孰難嬰曰死易立孤難耳杵曰我爲其易者乃取他人兒匿山中使嬰謬呼曰與吾千金吾告以趙氏孤處賈隨攻杵曰杵白謬曰小人哉程嬰不能立孤兒忍賣之乎賈遂殺杵白及兒其趙氏真孤

實在嬰所祀鄉賢

程

嬰

爲趙朔客抱孤匿山中居十五年謀之韓厥言於景公立趙後是爲趙武攻屠岸賈滅之武旣立嬰曰昔下宮之難非不能死欲存趙後耳今宜報宣孟與杵白於地下武涕泣請曰武願苦筋骨報子而子忍去我死乎曰不可彼以我爲能成事故先我死今我不報是以我事爲不成遂自殺武服齊衰三年奉祀不絕祀鄉賢

韓

厥

其會祖萬曲沃莊伯弟得封於韓原因以韓爲氏景公時爲司馬晉作六軍以厥爲卿公以孟姬之故殺趙比而裂其田厥言於公曰成季之勲宣孟之忠不可以無後於是公復立趙武而反其田卒謚獻祀鄉賢子長無忌代爲卿

者起謚宣

趙武

盾孫盾生朔下宮之難斨與其叔同括嬰齊皆為屠岸賈所殺朔妻成公姊有遺腹生武賈索急賴程嬰公孫杵臼匿以免後為卿相悼公左傳曰趙文子為政令薄諸侯之幣而重其禮穆叔見之謂穆叔曰自今以往兵

其少

弭矣

李牧

為趙北邊良將常守代鴈門威行沙漠匈奴十餘年不敢近趙邊時秦之不能併趙者以牧在也後被讒間死趙遂亡子榮負父骸歸葬廬墓稱孝
遠孫左車為廣武君韓信師事之

漢

周勃

從漢祖起於豐沛以功封絳侯呂后時為太尉後誅諸呂以安劉氏文帝時為丞相就國遂為絳人舊改祀名

宦今仍

祀鄉賢

周亞夫

勃子文帝時為將軍屯軍細柳帝以真將軍稱之景帝時為太尉平七國之亂舊從父改祀名宦今仍祀鄉賢

隋

王

度

通兄芮城令按說郭古鏡記文中子兄王度大業九年以御史出兼芮城令用古鏡滅妖蛇其年冬以御史帶芮城令持節河北道開倉糧賑給陝東時天下大饑百姓厲疫賴此鏡全活甚衆祀芮城名宦

唐

王

珪

通族叔貞觀中為諫議大夫以直諫聞

王

凝

字叔恬通弟為隋著作郎貞觀初為御史彈侯君集為長孫無忌所惡出為太原令撰隋書未成而卒

王

績

字無功通弟性簡傲不喜拜揖通知其誕縱不嬰以家事鄉族慶弔冠婚不與也隋大業中舉孝弟廉潔授秘書省正字不樂在朝求為六合丞以嗜酒不任事解去

每與兄弟遊北山東臯著書自號東臯子武德初以前官待詔門下省或問待詔何樂曰良醞可戀耳陳叔達聞之日給一斗時稱斗酒學士貞觀初以疾罷人有以

酒邀者無貴賤輒往其飲至五斗不亂著五斗先生傳
 嘗續兄凝所撰隋書亦未能成豫知終日命薄葬自誌
 其墓績之仕已見失職鄉人斬之託無心子以見趣曰
 無心子居越越王不知其大人也拘之仕無喜色越國
 法曰穢行者不齒俄而無心子以穢行聞王黜之無愠
 色退而適茫蕩之野過動之邑而見機士機士撫髀曰
 喜子賢者而以罪廢耶無心子不應機士曰願見教曰
 子聞蜚廉氏馬乎一者朱鬣白毳龍髻鳳臆驟馳如舞
 終日不釋轡而以熱死一者重頭昂尾駝頸貉膝踟齧
 善蹶棄諸野終年而肥夫鳳不憎山棲龍不羞泥蟠君
 子不苟潔以懼患不避穢
 而養精也其自處如此

尉遲敬德

字恭從太宗征伐有功授鄜州都督封鄂公晚
 謝賓客不與通餌雲母粉為延年術卒謚忠武

王福時

通次子為雍州司功叅軍傳授
 中說為十卷少子勸亦有文名

王勳

通孫第進士長壽中為鳳閣舍人壽春等五王出閣有
 司具儀忘載册文羣臣已在乃寤其闕宰相失色勳召

五吏執筆分占其辭粲然皆畢人人嗟服尋加宏文館學士兼知天官侍郎兄勔為涇州刺史以才名著

王勃

字子安六歲善文辭九歲得顏師古注漢書讀之作指瑕以擿其失與兄勔勸競爽一時杜易簡稱為三珠樹麟德初對策高第年未及冠授朝散郎嘗道出鍾陵九月九日都督大宴滕王閣宿命其婿作序以夸客因出紙筆徧請客不敢當至勃慨然不辭都督怒起更衣遣吏伺其文輒報一再報語益奇乃矍然曰天才也請遂成文極歡罷喜著書祖通起漢魏盡晉作書百二十篇以續古尚書後亡其序有錄無書者十篇勃補完缺逸定著二十五篇與楊炯盧照鄰駱賓王齊名號四傑

敬

暉

字仲華弱冠舉明經聖歷間為衛州刺史時諸州聞突厥入寇方秋爭發民修城暉謂寮屬曰吾聞金湯非粟

不守奈何捨收穫而事城郭乎悉罷之使歸田百姓大

悅尋為秦州刺史狄仁傑薦之神龍春為中臺右丞與

張柬之等謀誅張易之張昌宗等以復唐祚中宗即位

叙功進納言賜爵齊公尋封平陽郡王謚肅愍祀鄉賢

子讓為父雪冤先是周利貞既受指殺暉等開元初以酷吏罷官終身不齒久之復起為辰州長史時讓以魏州長史朝集京師與利貞皆奏事闕下讓以父冤越次奏曰周利貞希姦臣意枉殺先臣暉惟陛下正罰以謝天下左臺侍御史翟璋劾讓不待監引請行法明皇曰訢父之枉不可不矜也朝廷之儀不可不肅也奪俸三月利貞竟賜死暉別子誠官右衛大將軍詢官比部員外郎誣官主客員外郎曾孫元膺官河南丞

王含

績之後長於詩文有祖風韓昌黎推重之嘗為書文以相往來

王質

字華鄉通五世孫少孤客壽春力耕以養母講學不倦諸生從遊者甚衆年踰四十乃舉進士中甲科授秘書省正字累佐帥府五遷侍御史由山南西道節度副史再轉諫議大夫宋申錫之得罪與諫官伏閣請對延英申錫得不死為宦官所惡出為虢州刺史復擢給事中徙宣歙觀察使所至有惠愛以清白稱卒年六十八贈佐散騎常侍謚曰定

宋

王

曙

字晦叔績之後世居河汾中進士第再調定國軍節度判官咸平中舉賢良方正科策入等遷秘書省著作佐郎知定海縣還為羣牧判官考集古今馬政為羣牧故事六卷上之遷太常丞判三司憑由理欠司坐舉進士失寔降監廬州茶稅再遷尚書工部員外郎龍圖閣待制以右諫議大夫為河北轉運使自後遷徙不常終召為樞密使拜同中書門下平章事逾月卒贈太保中書令謚文康妻萊公女也生平方嚴重簡有大臣體居官深自抑損齋居蔬食泊如也有集四十卷周易音訓十二卷唐書備問三卷莊子指歸三篇列子指歸一篇載斗奉使錄二卷集兩漢詔議四十卷

王益恭

字達夫曙子以廕為衛尉寺丞性恬淡慕唐王龜之為人遂以尚書司門員外郎致仕與友人出遊洛陽名園水山無不至也以子登朝累遷司農少卿卒

王益柔

字勝之，曙次子。為人伉直尚氣，喜論天下事。以廢至殿中丞，慶歷更用，執政異意者，指為朋黨。仁宗下詔戒飭益柔，上書論辨，言尤切直。范仲淹未識面，以館閣薦之。除集賢院校理，醉作傲歌，時諸人欲遂傾正黨，極力攻之。黜監復州酒，久之為開封府推官。鹽鐵判官出為兩浙京東西轉運使，熙寧元年入判度支，審院詔百官轉對益柔，上言人君之難莫大於辨邪正，邪正之辨莫大於置相。其洋洋數百言，意蓋指王安石也。判吏部流內銓，舊制選人當改京官，滿十人乃引見，士多困滯。益柔請才二人，即引見，眾論翕然稱之。直舍人院知制誥兼直學士院，與宰相不合，罷其兼直，遷龍圖閣直學士。秘書監知蔡揚亳州，江寧應天府，卒。年七十二。少力學，通羣書，為文日數千言，尹洙見之曰：「瞻而不流，制而不窘，語淳而厲，氣壯而長，未可量也。」司馬光嘗語人曰：「自吾為資治通鑑，人多欲求觀讀，未終一紙已欠伸，思睡能閱之終篇者，唯王勝之耳。其好學如此。」

毛俊

南賈坊人由貢士任工部主事改兵部宣德時韓王言居第隘遣俊往平涼經度繕王宮並建襄陵樂平二邸相傳為平涼府城

馬

鸞

字守貞定興里人由進士初授行人選南京江西道御史差陝西清戎時有典兵者不法鸞劾之陞山東按察司兵備豪宗斂手百姓安堵如故

李

鉞

字廷威南賈莊人由舉人任蓬萊縣知縣查出登州衛侵占民田萬餘畝糧乃得完密緝一術僧解省黨人數千立散民便之陞登州府通判兗州府同知平曹州寇趙實擒之又督修黃河從禦流賊有功擢刑部員外郎轉河南兵備僉事駐節壽州韋奸平獄權豪縮息民為之謠曰穎水魚蝦盡被兩繪換去荆山餓殍只因一李甦回時穎州知府及兵備皆曾姓也以

王體復

字陽父號述齋由進士授工部都水司主事督通惠河復淺夫刻開圖遂為永例歷轉陝西兵備副使開渠引

忤劉瑾黨引疾歸進階四品祀鄉賢

涇水灌田可億萬畝民賴之值邊警單騎詣敵營宣威
 德有汾陽烈擢河南按察使執法如山一時強宗豪宦
 斂跡無敢犯陞陝西左布政使崇儉甦民陋規一清尋
 入為順天府尹勲戚中有冒占河田及強求坐地者痛
 抑之即中貴欲免一壽官劄亦不可得擢都察院右副
 都御史巡撫貴州兼督湖北川東戢苗亂首發楊應龍
 逆謀士官安國亨土婦奢世統等皆遵檄授制時有總
 兵侯之胄不法輒劾之抵罪致仕歸開麗澤社課諸子
 姪暨邑中士子數十年嗣登科第者多出其門鄉居二
 十載恬淡冲和里人謠曰王實佛後推戶部右侍郎未
 踰月卒贈如職諭祭葬

郭萬里

廕子椿官生祀鄉賢
 昇之姪來孫字海鵬明萬曆庚辰進士工部觀政授山
 東萊州府推官明允有聲行取江西道監察御史巡按
 陝甘等處地方有郭青天之謠風裁特著疏論某大臣
 出為山東沂州道調陝西秦州道陞洮岷道兵備副使
 陞涼州道兵備參政尋乞終養戲綵慈幃居喪泣血幾
 不勝喪後起陝西布政司叅政未就其居鄉也賑飢濟